

YMA thiltum: 1. Hunawl hman that. 2. Zofate hmasawwna ngaihtuah. 3. Kristian nun dan tha ngaihsan

Vol. 43		Issue No. 22		Ramhlun North: Ni 31 May, 2025	
 BRANCH THU THAR ■ Ni 06.06.2025 (Zirtawpni) zan hian Branch Executive Committee neih tum a ni. Thu thlen duh nei te chuan kan ziaktu te hnenah thlen theih reng a ni e. Tin, Executive Committee Member te pawh lo inrin lawk tur a ni e. ■ Branch Zaipawl: Ni 4.6.2025 (Nilaini) zan Inkhawm banah YMA day-a zaipawla tel tur zawng zawng te, YMA committee room, RSC field bulah kal vek tur a ni. Pu Francis Vanlalzuala, C-Sec. chuan zaipawl te thingpui inna tur Rs. 1000/- min pe a, a chungah lawmthu kan sawi. ■ Ni 03.06.2025 (Thawhlethni) zan hian YMA Day Organizing Committee te YMA Committee Room-ah an thukhawm ang. ■ June thla khawhar in hruaitu tur te: Pu Ramfangzauva, Leader Pu H. Rodinglana, Asst. Leader Pu R. Lalrinmawia Pu KC. Lalramluahpuia Pu K. Vungmanga Pu Malsawmzuala NI. Lallawmzuali Ralte Dr. Joseph Lalhminglana, OB i/c  SUB.COMT THU THAR Kumpuan Sub-Committee: Ni 1.6.2025 (Pathianni) chawhnu inkhawmah Ramhlun North Presbyterian Kohhran Youth Fellowship inkhawmah hun an hmang dawn a, Pu K. Lalremruata c/m in thu a sawi ang. He hunah hian committee member-te intawiawm turin kan in ngen e. Library Sub-Committee: Veng chhungah chhiat tawk an awm avangin tun kar chhung khan Membership Drive Cum Awareness an nei thei lova, kar tharah hian neih chhunzawm leh an tum a, veng chhung mipuite Member ni turin kan inngen e. Library changtlung tak neih tuma hmalak mek a ni a, June thla chhung hian lehkhahu thar eng emaw zat lei an tum.		ROPUI TAKA PASS LAWM A NI (Pass thar ten lehkhahu tha tak tak an dawng) Ramhlun North, the 31st May, 2025: Nizan 30.05.2025 (Zirtawpni) zan dar 8:30 khan Ramhlun Indoor Stadium-ah HSLC leh HSSLC pass tharte lawmpuina hun hlawhtling taka hman a ni. He hun hmang tur hian zirlai pass tharte bakah an chhungte an tel tha hle a, YMA Programme kan la ngaihhlut zia pawh a tilang chianga, khaw nuam lo tak kara mi 300 chuang kan thawk chhuak thei kha a lawmawm tak zet a ni. Hun min hmanpui tura kan sawm khawtlanga kan rawngbawlpui te, kan OB te leh hruaitute uapna a zarah kan ruahmannate a hlawhtling thei hi lawmawm hle. He hunah hian kan khuallian, Dr. Vanlalhlana, Education Minister chuan zirlai pass tharte fuihna hun a hmang a, tihtak zeta zima kawnga hmalak a tul zia a sawi a, khawvel changkang zelah Mizoram Education pawhin hmalam a pan ve zel a, HSLC leh HSSLC ah hian text book thiamna ringawt lo, mahni ngaihdan hman thiamna lam zawhna a tam telh telh dawn a, hei hian hriatthiamna tak tak kan neih leh neih loh bakah mimalah hmasawwna a awm ngei a rin thu a sawi. Pu Laldinglana Sailo, President chuan veng tana mi chhuanawm tak ni zel turin a fuih bakah duhsakna a hlan bawk a ni. Tlawmngaia hun hmang tura kan ruat zawng zawng ten an rawn tihlawh theih vek avang lawmthu kan sawi a. Tin, pass thar zawng zawng te Khuallian hian lehkhahu Pawl-10 tan ‘Zirna Lamtluang’ Lalhruatluanga ziah leh Pawl -12 pass thar tan ‘Par Har’ Diktei Hnamte ziah a pe vek bawk a ni. Tin, pass thar zawng zawng te Gideons International, Aizawl North Camp te chuan Thuthlungthar leh Sam leh Thufingte-bu an pe vek bawk a, an chungah lawmthu kan sawi takzet zet a ni. Tin, Tv. Zairemkima, V-Sec. chuan kan certificate te a thlawnin min design sak a, Pu Steward Lalrochama, V-Sec. leh Pu Federick Lalduhawma Pachuau, C-Sec. ten a thiam takin min zai sak a. Tv. Zorinsanga Sailo, V-Sec. leh NI. Lalduhawmi Bowman, T-Sec. te ze takin kan hun min kaihruaia. Maj. Jerry Lalrozama, CO, Ramhlun Corps in hunserh min hmansak bawk. KT Panasonic leh Darro Pharmacy ten a tula kan hman atan sum leh paiin min pui a, HRS Enterprise-in a thlawnin kan duh ang te min tihsak a. Music Sub- Committee ten an sound changtlung takin min buatsaihsak bawk. Hetia lawmthu kan sawi hi kan tih theih chhun a ni mai si a, min lo pawmsak hram turin kan ngen a che u. AIZAWL VENG-A DENGUE TAM BERNA KAN NI Health Department lamin data an neih atanga a lan danin tun dinhmunah Ramhlun North chu Aizawl veng hrang hrang zinga Dengue vanga dam lo tam berna veng kan ni a, hetiang hi kan veng dinhmun a nih avangin May ni 26 (Thawhtanni) zan khan Ramhlun North Urban Health and Wellness Center-ah Local Council kaihhruainain Aizawl East Deputy CMO, Dr. Walter Lalnunluanga Sailo leh Ramhlun North UHWC Medical Officer Dr. Lalnunpuii te nen YMA, MHIP leh MUP office bearer te tan 'Sensitization on Dengue' neih a ni a, kan veng Dengue darh/ hluar zel tur ven nan engtia hmalak tur nge tih te sawiho nghal a ni. ■ Dengue hi thosi seh atanga kai a ni a, dengue thehdarhtu thosi hi khaw ên laia che chi a nih avangin zing khawvar atanga khaw thim tan thlengin kan inven a ngai a ni. ■ Thosi pian theihna, a chhin awm lo a tui tlin theihna kan tih bo a ngai. Tui a tlin hlek tawhnaah chuan thosi a piang thei zel mai. Pangpar Khawina a a tui tling te, khawlaia kuhva bawm ruak sahar kan paih a tui tling te, refrigerator a tui tling ta, bur ruak a tui tling, kawm kar tui tling te, leh a chhin awm lo tui tlinnaah chuan thosi hi a piang thei vek a ni. Chuvangin kan in leh a vel kan tihfai a, tui tlin theihna reng reng kan tibo a pawimawh. ■ Dengue hi a vanduai tan chuan thihpui theih a ni. ■ Chhungtin fimkhur tlang ila, ni 3 chhung kan khua a sik a nih chuan UHWC-ah thisen test theih a ni. ■ Harsatna kan neih chuan UHWC a thawktu te rawn theih reng an ni. ■ UHWC hi Pu K. Lalruata building, Neuva Section-ah a awm a, doctor rawn tur pawh a awm reng.			



Editorial

Hlawhchhamna hi!

Mawhpurhna kan neih nî ni lovin, mawhpurhna kan nei a ni tih kan inhriat nî chiah hi puitlinna lam pana ke kan pên chhuah nî a ni a, chu kawng chu zirna ațânga a zawh dân kan hriat nî a ni.

Lui hnâr ațânga tui lo chhuak tlemtê ațânga, tui huang thla zêlin lui pui a siam chhuah țin ang hian zirna hniamtê ațânga bul țana zir chho zêl țin zirlaite ațâng hian mi ropui tak tak an chhuak țin. School kan luh chiah hian mahni kut ke-a dîng thei tura kan inbuatsaih țin ni a ni a, zirna hian mihring ațângin engkim a siam chhuak thei a ni.

Hei, tûnah pawh kan veng chhungah zirna avânga mi hlawhtling tak tak an awm rualin, hlawhchham ta te pawh in awm nual a rinawm. Vawi khat hlawhchham avâng khan in lo beidawng ngawt ang e, beidawnna tur a awm lo tih hria ula. Inbeidawn avâng khan kawng dik lo zawk zawh palh te hi thil awm thei a ni a, kha rilru kha dah ța hmak rawh.

Zirna avânga hlawhchham hi a hreawm a, tuman kan duh lo. Hlawhchham ni-a kan inngaih chuan kan rilru ah hnualna te, beidawnna te a lo awm a, kan zirna ah te pawh phûr takin lehkha a zir theih tawh țin lo. Hringnun hi hlawhtlinna hliir in a kal reng theih chuang lova, tute pawh hian hlawhchham hun hi kan nei fo țin, beidawng lovin zir țang țang phawt mai rawh.

Chutih rualin hlawhtling zo lo te tan - fail hi hlawhchhamna a ni lo a, bul țanna zawk a ni. Tih ța that leh theihna hun hi chung khuanu in min pe reng a, keimahni kan infiahna tura remchang a ni. Winston Churchill-a chuan 'Hlawhtlinna hi tawpna a ni lo, hlawhchhamna hi thihpui tham natna a ni hek lo. Chhonzawm tura huaisenna hi a ni, pawimawh chu,' tiin. A lo hlawtlingte pawh nun hlu lehzual nei tura chhonzawm tura huaisenna i nei tur a ni. Chu thil i nei loh chuan i hlawhchham leh thei reng. A hlawhchham te pawh hi hmabakah hian nun hlu lehzual nei tura hringnun hmachhawn ngamna i neih phawt chuan, engtik lai pawhin hlawhtlinna in i kawngka a kik reng a ni tih, i hre reng dawn a nia.



INDOPUI - II NA-A JAPAN SIPAI BOMB THLAKNA SULHNU

N. Vanlaiphai khua hi Indopui-II na laia Mizoram khua leh tui te zinga Japan kut tuar awm chhun a nihna hi sawi hmaihi chi a ni lovang. Kum 1944 March 28 ah N. Vanlaiphai hi Japan thlawhna te'n an bei a. Chhun chawfak hunlai velah Japan thlawhtheihna (a hunlaia sawi danin) 'Fighter lukhat nei' 6 rual chu khawchhak lam ațângin an rawn thlâwk thla del del a.

N. Vanlaiphai khua chu an thlawh kual pup pup a, an kual vawi hnihna ah chuan bomb an han thlak a, puakrangin an kap bawk a. N. Vanlaiphai khua chu a thum hian a thum chur chur ta mai a. Bomb hi hmun 6 ah a tla a, hmun tinah bomb 2 a tla zel a, bomb 12 lai an thlak a ni. Bomb tlakna hnu hma ținekhat hi tun thlenga hmuh theihin a la awm nghe nghe.

Hetianga N. Vanlaiphai khua nasa taka beih anih avâng hian, a khaw ținawm te chuan, "E! Vanlaiphai mipui zawng zawng chuan chatuan ram an pan vek tawh ang, A! A lo kal leh hun nghaka piallei thua riata zalte pawh a nghawr chhuak vek tawh ang, thlan lai tur pawh an awm lo ang, hawh u, i ținpui ang u," tiin bawngtuthlawh leh chemtum nen Vanlaiphai an lo tlan khawm a, mahse vanneithlâk takin he bomb thlâk avâng hian mihring thi leh hliam na lutuk an awm lo hlaui a ni.

Vawkpui pakhat chu silaimu si perin a fuh a, a thi a. Compounder Pu Chhunga chu a malpuiah bomb si perin a per a, mahse a dam leh thua. Japan sipai te hian Babu In (Doctor's Quarters) chu an kap chhe nasa hle a; a bang (tile) leh a chung rangva te chu, 'Chhihri' ang maiin a chik hrup mai a ni. Damdawi in pawh Air Machine Gun in a kap fuh a, tun thleng hian he an kahna hnu hma hi hmuh theih in a la awm.

He damdawi in hi kum 1913 lai bawr vela sak kha a ni a, hei hi British ho kutchhuak niin, tûn thlenga Zosap ho sulhnu tih danglam lova la awm reng tlemtê te zing ami a ni. Hetia Japan sipaiin N. Vanlaiphai khua an bomb chiam nachhan hi an sawi

dan chuan khatih hunlaia țangrual sipai (British) Lal tak chu N. Vanlaiphaia a awm lai tak ni-a an hriat vâng niin an sawi.

N. Vanlaiphai a bul țin ta chu, hemi khaw bula awm hmanlai mi te sulhnu hi fang zui lehngal ang aw.

MUALZAVATA CHAW CHHUMNA

N. Vanlaiphai ațânga chhim lam km 8 velah hian mual hlawm lian pui pui 3 hi Mizo lungthu ang hian a awm a. Chulai hmun chu "Mualzavata Chaw Chhumna" an ti. Titi-a an sawi dan chuan Mualzavata hian chaw a chhum hian Chawngtleng Tlânga țin in a vil a, a ke dinglam in Mat Lui a rap a, vei lamin Tuichang Lui a rap thung a. Mat Luia lungpui zawng zawng chu Tuichang ah a dah chho vek mai a.

Chuvang chuan Chawngtleng leh Bungtlang zawn vel Mat Luiah hian lung khaw rawk a awm lova, Tuichang erawh chu lung khawkrawk hmun hliir a nih phah ta a ni, an ti.

Chutih rualin, a thawh pahin a ip vak a, Chawngtleng Tlâng hi a ip zum a ni a ni, an ti bawk. A chaw chhum chu Serchhip ram 'Dawngzawl hmunah hian a ei e, an ti bawk.

KHAWNGHO SULHNU

N. Vanlaiphai ațânga km 4 vel leka hlaah hian, hmanlaia helai hmun lo luah hmasatu te ni a rin Khawng ho khaw hlui a awm a, hetah hian Lungdawh te, in hmun zawl te, lungsum te, thlan leh an sulhnu hrang hrang te hmuh theihin a awm a.

Kum 2009 bawr vel khan helai hmun vela kal țin te'n Bel keh them leh tuibur lu te an chhar fo țin bawk. Helai hmun hi "Khawng Tlâng" tih a ni zui ta a ni.

Kum 2006 khan Khawng Tlâng bul țin mual bawk pakhtah hian Pu K. Vanlalpeka'n tuikhuah tur a lai a, mihring ruhro hi tih tham fe a lai chhuak a, hmanrua eng emaw thir leh dara siamte pawh a awm. Heng ruhro te fel takin lunga rem hnan tlat an ni. Khawng ho awm lai hian an Lal hming chu Liana a ni a, zathum khua zet chu an niáwm e.

ZIN & HAW

■ Pu Hrangdailova, S-Sec. chhiat tawh thila Zohmuna zin chu a lo haw leh ta.

■ Pu Liantluanga Hauhnar, C-Sec. Vellore-a in zai pawh a nu leh pa te nen tuang takin an lo haw leh ta.

■ Pu K. Lalnunmawia, C-Sec. chu a hna thawhna hmun Mamit atangin a lo haw.

■ Pu Steward Lalrochama, V-Sec. thil pawimawh buaipuia Ukhrul-a zin chu a lo haw leh ta.

■ NI. B. Vanlalngeni d/o B. Lalthlangdika (L), V-Sec. chu a zirna hmun Kolkata atangin chawlh hmangin a lo haw.

■ Pu Lallura Zote te nupa, V-Sec. chu entir turin New Delhi lamah an kal.

■ Pi Laltharzeli, C-Sec. chu a nu leh pa inneih jubilee hmang tura lo haw chu an awmna Pune lamah a haw leh ta.

■ Pu H. Lalrinawma te chhungkua, C-Sec. an fapa Tv. Awmawma hruaia Mamita zin chu an lo haw leh ta.

■ Pu Haulianthanga, V-Sec. chu hna pawimawh buaipuia Mumbai-a a zin chu a lo haw leh ta, Tin, a nupui Pi Helen-i chu hna pawimawh buaipuiin Serchhipah a zin bawk.

■ Pu H. Lalruatlina, kan President hlui chu a hna thawhna hmun Mumbai lamah a kal leh ta.

■ Tv. Lalawmpuia leh Pu KC. Lalramluahpuia, ECM te Champhaia zin chu an lo haw leh

KOHRAN

■ **Ramhlun East Kohhran:** Ramthar Veng Kohhran Golden Jubilee lawmna, Rampum huap Faklam intihsiaknaah Ramhlun East branch KTP te chuan pathumna dinhmun an hauh.

LAWMAWM

■ Marvin Lalmuanawma c/o K. Lalngaihzuali, C-Sec. chuan Inter District Boxing Tournament Sub-Junior (52-55 kg) Category-ah Gold Medal a la.

■ Pu RC. Biakchhunga leh Pi Zobuangi, C-Sec. te nupa chuan an inneih Golden Jubilee ni 26.05.2025 (Thawhtanni) khan thenrual tha te nen an lawm.

LEI PIAH LAMAH

Hrangkili, K-106 m/o Sairothangi N-Sec. chu ni 25.5.2025 dar 7:56 PM khan a boral a, a tuk ni 26.5.2025 Chhun dar 12:00-ah Ramhlun North Thlanmual, Zemabawkah vui liam a ni.



C. Vanlalpkhlua, K-34 s/o Lalnunmawii, C-Sec. chu ni 28.5.2025 zing dar 7:00 ah a boral a, hemi ni vek ni 28.5.2025 Chawhnu dar 1:00 ah Ramhlun North Thlanmual, Zemabawkah vui liam a ni.



Lusun khawhar chhungte thlamuantu Pathianin vengin awmpui zel rawh se.

DAMLO

■ Lalruattluanga s/o Lalbuatsaiha (L), S-Sec. Synod Hospital Durtlang a awm chu in lama inenkawl chhunzawm turin a lo chhuak.

■ Pu Andy Lalrinawma h/o Baby Zothankimi Khiangte, V-Sec. chu natna hrang hrang a vangin Synod Hospital Durtlang ICU-ah enkawl mek a ni.

■ Pi Ngaizuali w/o Tuikhuahthanga, N-Sec. chu a BP hniam vangin LRM Hospital ICU-ah enkawl mek a ni.

■ Pu Lalmunsiamia Varte, C-Sec. Zemabaw Cancer Hospital-a awm chu in lama inenkawl chhunzawm turin a lo chhuak.

■ Pi Zomuanpuui w/o RL. David Lalnunfela, S-Sec. Pneumonia vanga LRM Hospital a awm chu a rawn chhuak leh ta.

■ Isaak Lalnunsanga s/o Samuel R. Lalmangaiha, K-Sec. chu Aizawl Hospital-ah kawthalo leh luak vangin enkawl mek a ni.

■ Pi Lalnunsangi w/o Lalthanfala Khiangte, N-Sec. chu natna hrang hrang vangin in lamah enkawl mek a ni.

■ Pu R. Rohmingliana, MLA chu hritlang khawsik avangin a thlallim peih meuh lo.

■ Reuben Lalhminghlua Zote s/o Lalramchuana Zote, V-Sec. Synod Hospital. Durtlanga enkawl chu dam takin a lo chhuak leh ta.

LOCAL COUNCIL

■ **July thla atangin khauh taka ui khuahkhirh a ni dawn:**

1. Ui neituten kan ui thlalak (Print sa) copy hnih, June thla ral hmain Local Council Secretary hnenah thehluh tur a ni.
2. Vengchhung a ui awm zawng zawng number pek vek an ni ang.
3. Ui thlalak thehluh loh khawlaia chhuak chu Ui chuang anga ngaih tur a ni.
4. Ui chhuakte hi a thla lak a, Local Council Member leh Secretary te hnenah thawn tur a ni. Ui neituin Rs. 1000 an chawi ang a, thlalak thawntu in Rs. 500 zel an hlawh ang.

KEIMAHNI

■ Pu Lalchhuanawma, ECM chuan a fanu pass thar lawmnan Maryma thingpui in na tur min pe a, a chungah lawmthu kan sawi.

■ Pass thar te a lawmnaa tel ve hman lo emaw certificate siam that te, NI. Lalrotluangi Jt. Editor (Ph: 9862132688) hnenah ngaihven tur a ni e. Anni hi RSC field bula awm an ni e.

THILDANG

KAWTCHHUAH ROPUI

Zing ni chhuak chhiara hringnun kawng zawhtu, Zawh ngailoh kawng an zawh, an thawkrim ngei; Zui zawh loh kan hlau, a then an tlu hlum.

Inrin tawkna nen an kal, zui ve rawh,
I mut thilh lai pawhin an bei fan a,
I ram tan silai nilo, an "PEN" in.

Ram tana "KAWTCHHUAH ROPUI" zawhtute, Ramin chawimawina "NOPUI" a hlân ta; Rim taka thawkte an va hlu tak em!

NATIONAL mai ni lo khawvel pum huap, Nang leh kei hian chham ve'ng hnehna HLA DO; Nawmsakna aia retheih thlantute.

A ropuizia sawi hleih theih loh chu e,
A lo ni, hei baka PASALTA hi;
An awm chuang lo'ng hnehna pangparthi nen.

(He thu hi Pu K. Lalmalsawma, K-Sec. in pass tharte puala a phuah a ni. -Ed)

■ Ruth Lalmuanzuali (L) d/o Dr. C. Lalarliana, T-Sec. chuan Gandhi Institute Of Technology & Management atangin M.Com. First Class-ah a pass.

■ Ramhlun East Presbyterian Kohhran in K-Sec. mawng lam awm (Mexico tia kan hriat lar) ko a min a, chhiatna a thlen lem lo niin thu kan lo dawng, then fai lam hna thawh mek zel a ni.

■ **Library duty tur te: (7.06.2025)**

Group - 1

1. Tv. D.Lianmanga
2. Tv. Timothy Lalbiakrema
3. NI. Lalmuanzovi
4. NI. Lawmsangpuui
5. NI. Lalnunfeli

■ Tv. Lalawmpuia, C-Sec. chu Sub Divisional Commissioner-in Mamitah post a ni a, a hna hi a zawm fel ta.

ZO OPTICAL

Ramhlun North (Industry peng Traffic Point bul)
Pi C. Lalrinsangi Building

May-June thla chhung 20% thleng discount a awm dawn a, MUP member leh Vohbik te tan 20% + 5% discount a awm mek bawk e.

B.Sc, M.Sc Optometry zir chhuak thiam takin an thut chilh reng bawk a, a thlawn in mit a check tir theih reng bawk e.

Contact : Ph-8414007366

MARYMA		PHEK 4-NA		RN YMA CHANCHINBU	
📰ARTICLE CHHUNGKUA - Chris M.S Dawngkima, V-Sec. “Thu inbah châng leh aw râwl vîn han chhuah chângte pawh kan tawng ve a...” ka'n ti dek dek a, ani chuan, “A va làwmawm ve... inhauh pawh inhauh peih tawh loh hun ka tawng tawh a, râpthlâk tak a ni! Pakhat chu âng chiam mah se pakhat zâwk chu hre lo ang hmiahin kan awm mai a, thu inzawmsakte chu khawi lamah, ngâwi rengin seh ngai kan seh ngar ngar mai a ni! Pakhat zâwk awm lohna lam zêl chu hmun nuam a ni mai,” tiin ka thusawi chu min lo pawtchat a! “Chutiang a thlen loh nân erawh invêng rawh... hliam tê reuh tê hi enkawl loh chuan thih ngamin a na thei tih entîrna a nih chu,” a ti zui a. Ngaihtuah a tithui viau... Nupa tam tak, fate avânga inzawm ve tâwk tâwk te, ‘inþhen’ tia miin an koh loh nân chauha in khat luah ho hram hram te hi kan kat nuk mai lo’ng mâw? Ka nitin hna avânga chau taka in ka luh châng hian, hlim taka min lo chhâwn thintu ka chhûngte hian hah an ti dam sawng sawng thîn. Pâwnlam chu hrehawmin hrisêl lo deuh mah se, chhûngkua a nawma a hrisêl chuan kan nâte min chhâwk a, a tûkah phûr takin kan feh chhuak ve leh mai thîn! Naupang chuan khawlaia a tlûk sual vêleh khaw dang hawi hauh lovin, ãap chungin in chhûng a rawn bêl thîn; in chhûngah chuan himna a awm tih a hriat tlat avângin. A lo pawmtu, pa kut chu atân thlamuanna a ni a, nu hmangaihna chu damdâwi ãha ber aia nachhâwkna chak zâwk a ni bawk! He in chhûng ngei hi alawm tam tak chuan kan ngaihthah thîn! Chhûngkaw inlaichîna chu kan pâwnlam hnain kan hralh a, sum ûmin kan hralh bawk; chhûngkaw uap lum chu hun khawhralnaah kan ngai tlat thîn! Hmangaihna peipunna hmun tûrah inphûtna te, sawisêlna te leh thinrimna te kan vulh lian fo! Chhûngkua a kehchhiat tawh chuan pâwn lamah tlûk sual leh ãah châng awm mah se, himna beiseia belh tûr 'rûn nuam' a awm ve tawh lo. Thil thenkhat hi chu a 'part' thlâkna hmuh mai theih a nih laiin, ‘chhûngkua’ erawh hi chu a thlâkna tûr thil dang a awm lo va, chhûngkua ber a ‘fail’ tawh chuan nun kawng zawh fuh a har tawh thîn. Thenkhat chu chhûngkaw kehchhia aţanga piangin an seilian a, mahse chhûngkaw ãha an din a. Thenkhat ve thung chu chhûngkaw ãhaah piangin, a ãha sa pawh an tichhe zo vek thung. Keini hian kan chhûngkua hi eng dinhmunah nge kan din pui ve le?		🔧ADVERTISEMENT KC TUI(10-4) Tui thianghlim, Pickup-in 2,000 litre kan pe thei reng e. Ramhlun North veng chhung tan discount kan pe e. Ph: 7005010327 / 9774223462 SP TUI(5-3) Tui hna thianghlim, ei leh in tlak, litre 2000 pickup trip kan pe thei e. Mobile: 9615789047/8730960917 SEPTIC TANK KHAT & REPAIR Septic tank khat paih leh repair kan ti thei reng a, rate chu inbiakremna a ni ang. Contact: 9612376373 C/o Marina: 9436140350 (5-4) JM SEPTIC TANK SEVICE Septic tank khat paih fai, comode block, pipe fit, soak pit tha lo leh a thar pawh kan siam thei reng e. Kan sulhnu a fel fai a, service hlun leh rintlak kan ni e. Rate inbiak remna. Registration: MRS 542 Contact: 9862476439 / 9436199884 (10-2) SAWMA SEPTIC TANK SERVICE Septic Tank khat paih fai, commode block, pipe fit, soak pit thar siam engkim kan ti thei e. Rate: Inbiakremna Ph: 8119969364 REM REM ENTERPRISE Agriculture bungrua leh Thlai enkawlina chikim kan nei e. Thlai chi, Hlo tur, thlai vitamin, Sazu manna chi hrang hrang, khumfa hlo kan nei kim e. Pangpar khawina Floral Foam leh Pot pawh kan kawl tel e. (4-2) Servamus Plaza, Ramhlun North Contact:9089198436 KHIANGTE SEPTIC TANK SERVICE Septic Tank khat paihfai, Comode Block, Soak pit, Pipe Fitting, Repair engkim, khur chhung lutin, a neitu te lungawi na thlap in kan thawk thei e Contact - 9862344971 Bawngkawn South (20-2) L.H SEPTIC TANK SERVICE Septic tank paihfai leh repairing engkim kan thawk thei e. Kum 17 chuang experience nei kan ni e. Rate:4500 per trip Ph.6909183193 (30-1) GARAGE LUAH THEIH Two wheeler garage ruak, Ramhlun North Sakhisih tuikhur chhakah a awm e. Contact : 6009630564			
COMPUTER CLASS FREE ADMISSION CCA/DCA December exam turin Free Admission hawn mek a ni leh ta e... Free Study Materials. Free PC Hardware Maintenance & Windows/Software Installation. Monday - Friday Class kal hman lo tan Saturday-ah Class a kal theih bawk e. Class timing 7:00am - 6:00pm(Mon-Fri) HI-TECH INSTITUTE OF COMPUTER Zarkawt(Near Traffic Point) & Ramhlun North (Industry peng. Opp. Traffic point) 9862343182 / 9089612701(WhatsApp/Call)		DL90 DLIGHT90 24x7 Discount Unit of MSR Business Engkim DISCOUNT reng na hmun! DLight90- 24x7 Discount, brand lar leh tha zawrhna - choka bungrua, electronics (Tv, Speaker, Earphone etc), Electric Bungrua, Hardware Tools, Sports, Toys etc, engtik lai pawha DISCOUNT na, min rawn dawr ve rawh le. Add: MSR Market, Zarkawt,PWD Tlang Ph:6009316424 Add: Dawrpui Vengthar, Near Aizawl West College Ph:9863750966 Add: J Thankima Estate Bawngkawn,Opp Vishal Mart Ph:9366525778			
CBT STORE STATIONERY ITEMS- Zirlai leh mitin mamawh RFL HOUSEWARE (Plastic tha mi inchhung bungrua chi hrang hrang) CB Thangluta Building, Bawngkawn South (Main Road) Ph: 84138 27704 / 87943 37944					
Published & edited by Eddie Lalfakzuala for and on behalf of Ramhlun North Branch YMA. Copies- 1,270					